

Na osnovu člana 72. Zakona o javnim nabavkama u BiH (Službeni glasnik BiH br. 39/14), člana 7. alineja b) Pravilnika o postupku direktnog sporazuma (Službeni glasnik BiH br. 90/14), člana 10. stav (1) alineja b) Pravilnika o postupku direktnog sporazuma KJU „Gerontološki centar“ Sarajevo i Odluke br. 11-641-2/17. od 23.05.2017.god., ugovorne strane:

1. KANTONALNA JAVNA USTANOVA „GERONTOLOŠKI CENTAR“ SARAJEVO, ul. Aleja Bosne srebrene br.7., Sarajevo, registrovan kod Kantonalnog suda u Sarajevu pod brojem UF/I-2260/97 od 15.08.1997.god. i Općinskog suda u Sarajevu Rješ. Br. 065-0-Reg-07-000174 od 25.06.2007.god., identifikacijski broj kod Porezne uprave FBiH Kantonalni ured Sarajevo 4200092250001, koga zastupa Direktor Ismet Skoko, mr.sci.ecc. (u daljem tekstu: Ugovorni organ)

i

2. „OTIS LIFTOVI“ doo za projektiranje, proizvodnju, montažu, remont i održavanje liftova, pokretnih stepenica i traka, ul. Paromlinska br.53F., Sarajevo, registrovan kod Općinskog suda u Sarajevu broj: 065-0-Reg-11-003661 (matični broj subjekta: 65-01-0910-11), identifikacijski broj kod Porezne uprave FBiH Kantonalni ured Sarajevo 4201709640003, identifikacijski broj obveznika PDV 201709640003, koga zastupa Direktor Hrvoje Puljić i Izvršni direktor Damir Luzar, (u daljem tekstu: Vršilac usluga)

dana 23.05.2017., zaključuju:

UGOVOR O VRŠENJU USLUGA

Član 1.

Vršilac usluga se obavezuje da za Ugovornog organa vrši mjesečno **servisiranje i održavanje liftova u objektima „Gerontološkog centra“ Sarajevo**, u skladu sa svojom Ponudom od 19.05.2017.god. i zahtjevom za ponudu Ugovornog organa broj: 11-641-1/17 od 16.05.2017.godine.

Član 2.

Vršilac usluga se obavezuje da će ugovorene usluge obavljati stručno i kvalitetno u skladu sa važećim tehničkim propisima, normativima i standardima, te u skladu sa važećim propisima o tehničkim normativima za liftove na električni pogon za vertikalni prevoz lica i tereta.

Sastavni dio ovog Ugovora je Opis usluga koje ulaze u redovan mjesečni servis i održavanje liftova, zatim usluge koje se obavljaju jednom godišnje bez obzira na redovni mjesečni pregled, kao i spisak potrebnog materijala koji će se upotrebljavati prilikom redovnog mjesečnog servisiranja i održavanja liftova.

Član 3.

Vršilac usluga se obavezuje da će redovan mjesečni servis obavljati od 25.-og do 30.-og u mjesecu, da će obezbjediti održavanje liftova svakodnevno (u radnom vremenu, vikendom i praznikom) u vremenu od 00:00 do 24:00 sata i da će u slučaju hitnih intervencija reagovati u roku od jedan sat po upućenom pozivu.

Ugovorni organ je dužan Vršiocu usluga prilikom obavljanja ugovorenih usluga omogućiti nesmetan rad, a Vršilac usluga je dužan da usluge obavlja na način da se što manje remeti proces rada.

Vršilac usluga se obavezuje da će povjerene poslove obavljati kvalitetno i blagovremeno, te da će u slučaju nekvalitetno obavljenih poslova, korekcije izvesti o vlastitom trošku.

Vršilac usluga garantuje da će se pri svakoj intervenciji pridržavati tehničkih propisa o zaštiti na radu ljudi i imovine.

Vršilac usluga se obavezuje da će u cilju utvrđivanja godišnje tehničke ispravnosti rada liftova izvršiti pripremu liftova, te angažovati ovlaštenu firmu koja će izvršiti tehnički pregled liftova i izdati potrebnu dokumentaciju za rad istih. Ovlaštena firma će nakon završetka svojih obaveza fakturisati cijenu izvršenih usluga na plaćanje Ugovornom organu.

Član 4.

Ukoliko se radi o zamjeni rezervnih dijelova koji se ne mogu obezbjediti u ugovorenom roku za otklanjanje kvara, Vršilac usluge se obavezuje da će kvar otkloniti odmah po nabavci rezervnog dijela, a najkasnije u roku od dva dana po prijavi kvara, ukoliko rezervni dio ne zahtjeva duži rok isporuke.

Za svaki ugrađeni novi rezervni dio vršilac usluga se obavezuje Ugovornom organu pružiti garanciju kvaliteta izvršene opravke, kao i ugrađenog rezervnog dijela u roku koji utvrdi Vršilac usluga.

U slučaju ponovljenog kvara, bez uticaja ljudskog faktora ili potrebe ponovne zamjene ugrađenog rezervnog dijela u garantnom roku, Vršilac usluga se obavezuje isti otkloniti ili rezervni dio zamjeniti o svom trošku.

Zamjena rezervnih dijelova će se obračunavati posebno prema važećem cjenovniku Vršioca usluga koji je sastavni dio ovog Ugovora.

Član 5.

Ukoliko Vršilac usluga zakasni sa izvršenjem ugovorenih obaveza, dužan je platiti Ugovornom organu, za svako kašnjenje u izvršenju ugovorenih obaveza, ugovornu kaznu u iznosu od 2% od ugovorene vrijednosti mjesečnog održavanja i servisiranja liftova.

Ugovorni organ se obavezuje da Vršioca usluga odmah obavjesti o svakom kašnjenju u izvršenju ugovorenih obaveza, na osnovu koje je Vršilac usluga obavezan umanjiti iznos mjesečne fakture za plaćanje u skladu stavom 1. ovog člana.

Ugovorne strane su saglasne da je za slučaj neizvršenja ugovorenih obaveza Vršilac usluga dužan platiti Ugovornom organu, ugovornu kaznu u iznosu od 5% od vrijednosti ovog ugovora.

Pored prava iz stava 1., stava 2. i stava 3. ovog člana, Ugovorni organ ima pravo naknade štete, ako je ista prouzrokovana ovim neizvršenjem ili zakašnjenjem.

Član 6.

Ukupna ugovorena godišnja vrijednost izvršenja predmetnih usluga iznosi 1.860,00 KM bez PDV, odnosno **5.580,00 KM** bez uračunatog PDV-a, odnosno **6.528,60 KM** sa PDV-om za period od **juna 2017.godine do juna 2020.godine**

Ugovorena cijena mjesečnog održavanja i servisiranja liftova iznosi 155,00 KM, bez uračunatog PDV i uključuje mjesečni servis i hitne intervencije u toku mjeseca.

Ugovorne strane su saglasne da u cijenu redovnog mjesečnog servisiranja i održavanja liftova iz predhodnog stava ulaze usluge navedene u Opisu usluga koje se pružaju u okviru redovnog mjesečnog servisiranja i održavanja liftova, zatim usluge koji se vrše jedanput godišnje nezavisno od redovnog mjesečnog servisa, kao i spisak potrebnog materijal za redovan mjesečni servis i održavanje liftova, a koji je sastavni dio ovog Ugovora.

Član 7.

Ugovorne strane su saglasne da se u periodu važenja ovog Ugovora, jedinične cijene usluga precizirane članom 6. ovog Ugovora, neće mijenjati, izuzev značajnijih promjena cijena na tržištu koje se odnose na materijal koji je uračun u cijenu servisiranja i održavanja liftova, a koje utiču na cijene predmetnih usluga, o čemu bi se ugovorne strane prethodno usaglasile.

Promjena jediničnih cijena usluga podrazumijeva veće ili niže cijene u odnosu na cijene precizirane Ponudom i članom 6. ovog Ugovora.

Prijedlog za promjenu jediničnih cijena, u pismenoj formi, sa obrazloženim razlozima, Vršilac usluga je obavezan dostaviti Ugovornom organu na saglasnost. Po dostavljenom prijedlogu Ugovorni organ je obavezan izjasniti se u roku od 8 dana.

Ne postizanje dogovora u vezi sa eventualnim promjenama cijena je osnov za raskid ovog Ugovora.

Član 8.

Ugovorni organ se obavezuje da će plaćanje obavljenih usluga po ovom Ugovoru vršiti putem računa Vršioca usluga, broj: 338 690 229 651 64 37, otvorenog kod UniCredit Bank dd Sarajevo.

Ugovorne strane su saglasne da Vršilac usluga za obavljene usluge u toku jednog mjeseca, Ugovornom organu ispostavi zbirnu fakturu do 5-og u mjesecu za predhodni mjesec, sa odgođenim plaćanjem u roku od 30 dana od dana dostavljanja fakture.

Član 9.

Ugovorne strane su saglasne da svaku uslugu prati radni nalog obostrano ovjeren.

Ugovorne strane su saglasne da se na recepciji Ugovornog organa vodi knjiga izvršenih usluga i intervencija, u koju će neposredni izvršilac usluge i predstavnik Ugovornog organa upisivati podatke o izvršenim uslugama i intervencijama, kao i o utrošku rezervnih dijelova i materijala.

Član 10.

Ukoliko u toku izvršenja ovog Ugovora nastupe okolnosti koje se u vrijeme zaključenja Ugovora nisu mogle predvidjeti, a koje utiču na njegovo blagovremeno izvršenje, ugovorne strane će preispitati te okolnosti i sporazumno utvrditi novi rok za završetak ugovorenih obaveza.

Vršilac usluga je dužan da o nastalim nepredviđenim okolnostima zbog kojih je ometen u izvršenju Ugovora odmah pismeno obavijesti Ugovorni organ.

Član 11.

Za sve eventualne reklamacije za izvršene usluge koje su predmet ovog Ugovora, Ugovorni organ će upozoriti Vršioca usluga i odrediti mu primjeren rok za ponovno izvršenje reklamirane ugovorene obaveze.

Ako do isteka tog roka Vršilac usluga ne postupi po zahtjevu Ugovornog organa, Ugovorni organ može raskinuti Ugovor i zahtijevati isplatu ugovorne kazne, kao i naknadu štete uzrokovane neizvršenjem obaveza u skladu sa ugovorenim.

Član 12.

Ovaj Ugovor se zaključuje na period od tri godine, a primjenjuje se od dana potpisivanja obje ugovorne strane.

Član 13.

Sve izmjene i dopune ovog Ugovora mogu se vršiti u pismenoj formi, uz saglasnost ugovornih strana.

Član 14.

Ovaj Ugovor se može raskinuti pismenim putem i prije njegovog isteka ukoliko se jedna od ugovornih strana ne bude pridržavala odredaba istog, uz prethodno izmirenje svih obaveza nastalih po osnovu Ugovora.

Član 15.

Otkazni rok po ovom Ugovoru je 30 dana, od dana prijema pismenog obavještenja o otkazu Ugovora, a po isteku ovog roka, Ugovor se smatra raskinutim.

Član 16.

Ugovorne strane se obavezuju na pridržavanje zakonskih propisa, čuvanja poslovne tajnosti i pridržavanja poslovnih običaja.

Član 17.

Sve eventualne sporove koji nastanu u toku realizacije ovog Ugovora, ugovorne strane će nastojati riješiti sporazumno, a ukoliko to ne bude moguće, za rješavanje spорова nadležan je sud u Sarajevu.

Član 18.

Ovaj Ugovor je sačinjen u četiri (4) istovjetna primjerka, od kojih svaka strana zadržava po dva (2) primjerka.



VRŠILAC USLUGA:

Broj:

Sarajevo, 23.05.2017

Handwritten signature



UGOVORNI ORGAN:

Broj: 11-641-4/17

Sarajevo, 23.05.2017.godine